

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vniversis Fidelibvs Nostris per patrimonium beati Petri Apostoli constitutis.

urn:nbn:de:hbz:466:1-20020

enim quicquid earum occasione contra Ecclesias vel personas ecclesiasticas fuerit attentatum decernimus irritum & inane, nonobstante aliquo juramento quod super eam observatione praestitum esse dicatur, cum illud, tanquam illicitum, non debet observari. Iudicibus autem & tabellionibus inhibemus ne secundum hujusmodi constitutiones damnatas suum presumant officium exercere, si officij sui cupiunt periculum evitare. Datum ut in alia.

*FNIVERSIS FIDELIBVS NOSTRIS
per patrimonium beati Petri Apostoli
constitutis.*

CVM juratum sit à Comitibus & Baronibus, Potestatibus & Consulibus, pacem & justitiam & securitatem strictè ad mandatum nostrum servare, universitati vestra mandamus quatinus veram pacem servantes, nequaquam vos invicem offendatis, neque communitas communitatē, neque persona personam, neque communitas offendat personam, exceptis raptoribus & prædonibus, & exceptis bannitis & diffidatis; ad quos punitios Rectori apostolici patrimonij, quotiens requisiti fueritis, impendatis auxilium opportunum. Si vero quisquam offenditur, non statim reoffendat, sed moneat prius ut emendet offendam. Et si super emendatione orta fuerit contradic̄tio, nisi per alium sedari posuerit, ad arbitrium Rectoris apostolici patrimonij referatur. Alioquin diffidatus ab eo tanquam hostis publicus impugnetur. Cum autem orta fuerit inter aliquos controversia, per concordiam vel judicium terminetur; sítque judicium penes eum cui competit jurisdictio, salvis semper appellationibus ad nos vel Reckorem apostolici patrimonij legitimè factis aur etiam faciendis. Si vero quisquam infra beati Petri patrimonium constitutus modum istum servare contempserit, ab omnibus secundum mandatum Rectoris apostolici patrimonij arceatur. Si quis autem auctoritate sua prædam acceperit vel accipi fecerit, seu aliquid furatus fuerit vel furari fecerit, prædam & furtum tam ipse, quam ille qui scienter emerit, cum pena dupli restituat. Qui vero furtum vel hujusmodi prædam emerit ignoranter, ea restituat absolute, nulla recompensatione sibi præstata vel præstanda; sed emptor adversus venditorem suam habeat actionem. Hæc omnia injungimus sub debito præstiti jura-

Tom. II.

menti Comitibus & Baronibus, Potestatibus & Consulibus observanda; ut & ipsi ea fideliter servent, & per districtus suos faciant ab aliis observari. Salvo semper in omnibus apostolicæ sedis mandato. Datum ut in alia.

*NIVERNENSI ET AURELIANENSI
Episcopis & Abbatii Curia Dei Cisterciensis
ordinis Aurelianensis dioecesis.*

Illa venerabiles fratres nostros Parisiensem & Attribatensem Episcopos & dilectum filium Abbatem de Claroma, Epiſt. 13.
De Alberico
Remensis ele-
cto. risco credimus honestate pollere ut super ordinatione Remensis Ecclesiarum, quam eis duximus committendam, bono zelo processerint; præsertim cum is quem ipsi Ecclesiarum præfecerunt sit vita, scientia, & fama præclarus. Nos autem ad hoc, Deo teste, summo desiderio aspiramus ut in Ecclesia Dei tales ad prælationis officium assumantur qui non sint mercenarij, sed pastores, plebes sibi commissas verbo pariter & exemplo docturi. Porro dilecti filii Teobaldus de Pertico Archidiaconus & P. de Stampis Canonicus Ecclesiarum memorata, inter cetera quæ contra predicatorum Episcoporum & Abbatis processum per tuas nobis litteras intimarunt, hoc contra magistrum Albericum in Remensem Archiepiscopum nominatum specialiter expresserunt, quod erat irregularis, indiferetus, & manumissus. Vnde cum irregularis non congrueret officio, indiferetus oneri, & manumissus honori, Episcopis qui ad ejus consecrationem venerant interdicere curaverunt ne tales præsumerent in Episcopum consecrare, cum dictus P. interrogantibus ipsis Episcopis respondisset quod coram eis hoc die data probaret. Sed prefatus Parisiensis Episcopus, qui ad promotionem illius omnimodis intendebat, nemine contra Petrum nisi duntaxat ipso judge replacente, duos Presbyteros convocavit, quorum testimonia contra Petrum absensem & ignorantem super infamia clam recepit, & sic admissus non fuit ad tantam irregularitatem probandam, videlicet quod cum vidua conjugalem copulam contraxisset. Eo igitur in ordinatore repulso, post appellationem ad sedem apostolicam interpositam, fecit illum utcunque in Episcopum consecrari. Ceterum Episcopi & Abbas predicti suis nobis litteris intimarunt quod in ipso negotio juxta formam mandati apostolici procedentes, prefatum Albericum Parisensem Archi-

K ij